

351 Dâ durch in starkiu angest sneit.  
 Gawan mitten durch si reit.  
 doch ieslich zeltsnuor die andern dranc,  
 ir her was wît unde lanc.  
 5 dô sach er, wie si lâgen,  
 wes dise unt jene pflâgen.  
 swer ›byen sey venûz‹ dâ sprach,  
 ›gramærzys‹ er wider jach.  
 grôz rotte an einem orte lac,  
 10 sarjande von Semblidac;  
 den lac dâ sunder nâhen bî  
 turkopele von Kaheti.  
 unkûnde dicke unminne sint.  
 sus reit des kûnec Lotes kint.  
 15 belîbens bete in niemen bat.  
 Gawan kêrte gein der stat.  
 er dâhte: »sol ich kipper wesen,  
 ich mac vor vlûste baz genesen  
 dort in der stat dan hie bî in.  
 20 ine kêre mich an deheinen gewin,  
 wan wie ich daz mîne behalde,  
 sô daz es gelücke walde.«  
 Gawan gein einer porten reit.  
 der burgære site was im leit:  
 25 sine hete niht betûwert,  
 alle ir porten wâren vermûwert  
 unt al ir wîchûs werflich;  
 dar zuo der zinnen ieslich  
 mit armbrûste ein schûtze pflac,  
 30 der sich schiezens her ûz bewac.

in grôziu (ein groszer L) a. \*G \*T

Sarjande von S., \*T

Versfolge 351.12–11 \*T · die (Den V) lâgen dâ s. nâhe bî. \*T  
 turkopol von Kabadi. \*G · turkopol unde Gahadi, \*T (nur T)

kûneiges \*T (O L)

↓\*T

ich kapfer w., \*T

ich mac vor lust n. g. \*T (nur T)

wan deich daz \*G (nur GI)

sô daz des glücke w.« \*T

s. h. (Sie enheten Z) des n. betûret, \*G · die h. des n. betûret, \*T

\*D: D \*m: m (Versfolge 351.25–30, 352.1–16, 351.1–24, 352.17–30) \*G: G I O L Z \*T: T (ohne 351.14) V

1 Initiale D I O L Z 7 Majuskel T 10 Majuskel T 13 Initiale I 23 Initiale T V

5 wie] wâ \*m 14 sus reit des (der m) kûnic Lotes kint, \*m 15 daz in belîben dâ niemen bat. \*m (V) · blîbens ([Belîbens bet]: Belîbens O) in dâ (om. O L) nieman bat. \*T (nur T) (I O L) 16  
 sus kêrt er reht gegen der stat. \*m 17 kipper] kempfer \*m